

UGOVOR O OSIGURANJU

zaključen dana 12.01.2015. godine u Sarajevu zmeđu:

- 1.) Dioničko društvo za osiguranje „VGT,, Visoko, Filijala Sarajevo ulica Put života br.14, zastupano po direktoru Filijale Zukić Adnanu (u daljem tekstu: osiguravač),
i
- 2.) Zavod za informatiku i statistiku Kantona Sarajevo, iz Sarajeva, ulica Reisa Džemaludina Čauševića 1, ID BROJ:4200662290002, zastupano po direktoru Gadžo Timur (u daljem tekstu: osiguranik).

Član 1.

U cilju unapređivanja i razvijanja poslova osiguranja imovine i lica, kao i osnovne djelatnosti osiguranika, ugovorne strane su saglasne da osiguranik po vlastitom izboru može sa osiguravačem zaključiti ugovore o osiguranju lica, imovine i imovinskih interesa.

Član 2.

Lica, imovina i imovinski interesi osiguravaju se od osnovnih i dopunskih rizika, a razvrstani su u više grupa-skupina i vrsta osiguranja, a na osnovu Odluke o vrstama osiguranja Agencije za nadzor osiguranja FBiH broj:1.0.-021-743-2/07 od dana 24.04.2007.godine. Na osnovu registrovanih djelatnosti, osiguravač vrši osiguranje sljedećih grupa-skupina osiguranja:

- 01 - osiguranje od nezgode,
- 02 - zdravstveno osiguranje,
- 03 - osiguranje cestovnih vozila-kasko
- 04 - osiguranje tračnih vozila-kasko,
- 05 - osiguranje zračnih letjelica-kasko,
- 06 - osiguranje pomorskog, riječnog i jezerskog kaska,
- 07 - osiguranje robe u prijevozu,
- 08 - osiguranje imovine od požara i nekih drugih opasnosti,
- 09 - ostala osiguranja imovine,
- 10 - osiguranje od automobilske odgovornosti,
- 11 - osiguranje od odgovornosti u zračnom prometu,
- 12 - osiguranje od odgovornosti brodara,
- 13 - ostala osiguranja od odgovornosti,
- 14 - osiguranje potraživanja (kredita),
- 15 - osiguranje jamstva,
- 16 - osiguranje različitih finansijskih gubitaka,
- 17 - osiguranje pravne zaštite, i
- 18 - osiguranje turističkih usluga.

Osnovna i obrtna sredstva osigurati će se na sumu osiguranja koju utvrde ugovorne strane.

Član 3.

Ugovorne strane su saglasne da se u osiguranje uključi sljedeće:

- osiguranje od nezgode,

Visina ugovorene premije po navedenim vidovima osiguranja na godišnjem nivou iznosi cca 1.392,00 KM (slovima: Hiljadutristotinedevedesetdvije konvertibilnih maraka).

Član 4.

Visina premije osiguranja za svaku vrstu osiguranja određuje se po važećim tarifama premijskog sistema.

Premiju osiguranja po ispostavljanju police osiguranik će plaćati 30 (trideset) dana po ispostavljanju fakture.

Član 5.

Osiguranik je dužan da u skladu sa Uslovima osiguranja blagovremeno prijavi osiguravaču sve promjene na imovini ili promjene broja zaposlenih lica, kao i urednu prijavu eventualno nastale štete na imovini, a ukoliko je neophodno i obezbijediti oštećenu stvar do momenta dolaska ovlaštenog lica osiguravača radi otpočinjanja postupka procjene i likvidacije štete.

Član 6.

Osiguravač se obavezuje da u skladu sa važećim Uslovima osiguranja, te zahtjevima osiguranika, postupi vezano za nastale promjene na imovini osiguranika, kao i da u skladu sa zakonskim propisima u primjerenim rokovima izvrši procjenu i likvidaciju štete, te isplatu po odštetnom zahtjevu, ukoliko za to postoji jasno utvrđeni pravni osnov.

Član 7.

Za sva zaključena osiguranja u skladu sa ovim Ugovorom osiguravač će višak rizika predati u reosiguranje čime se u potpunosti štiti imovina osiguranika, kao i interesi obje ugovorne strane.

Član 8.

Ovaj Ugovor zaključuje se na određeno vrijeme i to na period od jedne godine, a u međuvremenu se može raskinuti samo pod uslovom da ugovorne strane međusobno izmire sve stvorene obaveze i potraživanja.

Ukoliko jedna od ugovornih strana prestane sa radom iz bilo kojeg razloga, obaveze po ovom Ugovoru prelaze na pravnog sljednika.

Ukoliko se jedna ugovorna strana integriše sa drugim pravnim licem, obaveze po ovom Ugovoru ostaju do isteka roka iz stava 1. ovog člana.

Član 9.

Ukoliko jedna od ugovornih strana ne ispuni svoje obaveze predviđene ovim ugovorom, druga strana može raskinuti ugovor i zatijevati naknadu štete.

Član 10.

Osiguranje po ovom Ugovoru za svaku vrstu osiguranja iz člana 3. ovog Ugovora počinje teći danom zaključivanja-potpisivanja police osiguranja.

Član 11.

Ugovorne strane su saglasne da sve ostalo što nije izričito ugovoreno odredbama ovog Ugovora, da se na isti analogno primjenjuju odredbe Zakona o obligacionim odnosima, te uslovi i tarife osiguravača, sa kojima je osiguranik upoznat i saglasan.

Član 12.

Sve eventualne izmjene i dopune ovog Ugovora vršit će se samo u pismenom obliku i to aneksima na ovaj osnovni Ugovor uz obaveznu saglasnost obje ugovorne strane.

Član 13.

Ugovorne strane su saglasne da sve eventualne sporove koji nastanu povodom ovog Ugovora rješavaju sporazumno, a ako to ne bude moguće ugovorne strane ugovaraju nadležnost Općinskog suda Sarajeva.

Član 14.

Ovaj Ugovor stupa na snagu danom potpisivanja, a sačinjen je u 4 (četiri) jednaka pismena primjerka, od kojih po 2 (dva) primjerka zadržava svaka ugovorna strana.

OSIGURAVAČ:

D.D. za osiguranje „VGT“ Visoko
Filijala Sarajevo
zastupano po direktoru Filijale
Zukić Adnan



(potpis i pečat)

Broj: 02-29/2015

Datum: 13.01.2015.god.

OSIGURANIK:

Zavod za informatiku i statistiku
Kantona Sarajevo
zastupano po direktoru
Gadžo Timur



(potpis i pečat)

Broj: 26-147-2

15-1-2015-

